

عمر حنیف علی
تفسیر نو طبری



*** (سورة النبأ) ***

— صحیفه: ۵۸۱ —

بسم الله الرحمن الرحيم

۱ ﴿عَمَّ﴾ اصلى (عن ما) ایدی، صکره معلوم اولدیغی اوزره (عما) اولدی، کثرت استعمالندن و حرف جرہ رعایتدن دولایی الف دوشوب (عم) اولدی. اول بر شیدن، هانکی شیدن ﴿يَتَسَاءَلُونَ﴾ مکه مشرکلری سؤال ایدرلر، صورارلر.

۲ ﴿عَنِ النَّبَأِ﴾ خبردن، او یله نبأ که ﴿الْعَظِيمِ﴾ خبر عظیمدن یعنی قیامت و قرآندن سؤال ایدرلر. صفة نبأ

۳ ﴿الَّذِي﴾ اول بر نبأ که ﴿هُمْ﴾ اونلر، نره ده ﴿فِيهِ﴾ او نبأ ده، نه درلر؟ ﴿مُخْتَلِفُونَ﴾ مختلفدرلر. قیامتده ده انکار ایتلمرنده اختلاف ایدرلر. قرآنی ده محمد کندیسی یاپمش و اویدورمشدر، کندیسی شاعر در دیرلر.

۴ ﴿كَلَّا﴾ او یله دکل، کک قرآن کریمده و کک آخرتک وجودنده اختلافک یری یوقدر. ﴿سَيَعْلَمُونَ﴾ یقینده بیلیرلر،

۵ ﴿ثُمَّ﴾ اوندن صکره ﴿كَلَّا﴾ او یله دکدر. ﴿سَيَعْلَمُونَ﴾ یقینده بیلیرلر، برنجی سیعلمون، قبره و یریلر سه ایکنجی سیعلمون، یوم جزایه و یریلر یا خود برنجی قیامت یعنی اولورکن بیلیرلر. ایکنجیسی فعلا بعث کوننه که او کون قائم اوله جقلم، او کون بیلیرلر دیمکدر که اولورکن و اراجنی یری کورر، او زمان بیلیرسکز، صکره بعث کوننده فعلا جزایی ده کوره جکسیکز دیمکدر. (ثُمَّ) ده هم تهدید و هم ترقی واردر. مبالغه و تکریر ایچوندر. برنجیدن ایکنجی ده شادتلیدر.

۶ ﴿أَلَمْ نَجْعَلِ الْأَرْضَ مِهَادًا﴾ بز عظیم الشان ارضی یعنی یری بشیک کبی قیلماقمی؟ بن ده سزی چوجقلمک بشیک اوزرنده یاتوب راحت ایتدیکی کبی ارضی بشیک کبی قیلمدم می؟

۷ ﴿وَالْجِبَالِ أَوْتَادًا﴾ داغلی سزك ایچون بو یرلره چیوی یعنی دیرك یاپمادم می؟
داغلی اولمسه دکرلر هر طرفی قاپلاردی. یعنی شو مکنوناتی سزك هر درلو منفعتکز ایچون
یاپمادم می؟ بر باقسه کز عجائب صنعتِ الهی در.

۸ ﴿وَخَلَقْنَاكُمْ أَزْوَاجًا﴾ بز عظیم الشان سزی چفت اوله رق یعنی بر ارکک بر
دیشی دن خلق ایلدیک.

۹ ﴿وَجَعَلْنَا نَوْمَكُمْ سُبَاتًا﴾ سُبَاتٌ، قطع و کسمک معناسنه در. سزك اویقو کزی ده
ظلمتی اورتمکله قطع ایتدیک، یعنی حرکه صرفیات اولسون ایچون که قوه حیوانیه نك
قوتلمه سی ایچون استراحت ایچون حرکاتی کسیونرز، احتیاجی قدر اویودقن صکره
اویقویی کسیونرز، قالدیریورز، زیرا فضله اویقوده خسته لقدر.

۱۰ ﴿وَجَعَلْنَا اللَّيْلَ لِبَاسًا﴾ بز کجه یی سزه لباس قیلدیک، قراکلده بعض انسانلر
بعضیسندن فراریکز ایچون یاپدیک،

۱۱ ﴿وَجَعَلْنَا النَّهَارَ مَعَاشًا﴾ بز کوندوزی معاش قیلدیک، یعنی کجه اویقودن
اویاندقن صکره معیشت لازمدر که کوندوزی ده احتیاجاتکزه لازم اولان شیئی تأمین
ایده سیکز دیه آیدینلق یاپدیک.

۱۲ ﴿وَبَنَيْنَا فَوْقَكُمْ سَبْعًا شِدَادًا﴾ بز عظمتمزله سزك فوقکرده یدی دانه شدید
کوکلی بنا ایتدیک ضاغلام یاپدیک.

۱۳ ﴿وَجَعَلْنَا سِرَاجًا وَهَاجًا﴾ بز مبالغه ایله ضیا ویریجی وعینی زمانده سیجالتق
— صفة سراجا، وهاج: مبالغه ایله پارالیجی
ویریجی سراجی قیلدیک،

۱۴ ﴿وَأَنْزَلْنَا﴾ بز انزال ایتدیک، ایندیردیک، نه دن ﴿مِنَ الْمُعْصِرَاتِ﴾ معصراتدن
که صقشدیریجی شیدن، نه یی ﴿مَاءً﴾ صویی، اویله ماء که ﴿ثَجَاجًا﴾ دوکوجی، یعنی
صقشدیریجی شیدن قاندیریجی صولری انزال ایتدیک، ایندیردیک. روزکار بلوطی تضییق
ایدیور، بلوط ده صولری دوکویور. بوراده معصرات ذکر ایدلمش بلوطلر مراد اولنمشدر.